

Sastanak visokog predstavnika Inzka s austrijskim kancelarom Faymannom

Visoki predstavnik Valentin Inzko večeras će se u Sarajevu sastati sa saveznim kancelarom Austrije Wernerom Faymannom, s kojim će razgovarati o trenutnim političkim izazovima i stravičnim posljedicama nedavnih poplava u Bosni i Hercegovini.

Visoki predstavnik će naglasiti spor tempo provođenja reformi u zemlji, što je u jakom kontrastu sa težnjama građana, posebno u pogledu evroatlantskih integracija. "Građani su rekli jasno i puno puta, uključujući i nedavne proteste, da žele da njihova zemlja bude dio evropske političke familije, i političari to trebaju omogućiti. Građani bi trebali iskoristiti priliku koju pružaju predstojeći opći izbori da pozovu političke predstavnike da ispune svoja obećanja", reći će Inzko.

Visoki predstavnik će također istaknuti ozbiljne humanitarne i ekonomske izazove koje su izazvale poplave. Zahvalit će Austriji i njenim građanima na brznoj i velikodušnoj pomoći u spašavanju i oporavku od poplava. "Iskustvo s poplavama pokazalo je dobrosusjedske odnose koji postoje među običnim ljudima u BiH i regiji. Za razliku od poruke podjela, koju šalju neki političari, građani i lokalne zajednice su pokazali prirodnu spremnost da pomognu jedni drugima i želju da zajedno rade na izgradnji uspješne zemlje, u interesu svih," reći će Inzko.

Visoki predstavnik također će zahvaliti Austriji za njihovo učešće u vojnoj misiji Evropske unije u Bosni i Hercegovini, kao i za učešće njihovih trupa u humanitarnoj misiji nakon što su veliki dijelovi Bosne i Hercegovine poplavljeni.